

建康實錄

十一

統軍東討諸軍散進大破之皆斬首京邑及蕭道成
張永繼進大破之於晉陵而顛衆散竄于山嶠爲村
人所縛詣上虞令王宴宴斬首孔瑛亦被殺顛臨死
索酒曰此是平生所好死時五十一

謝莊字希逸陳郡人太常弘微子也七歲屬文長美
容儀太祖異之顧僕射那景仁曰藍田生玉豈虛哉
爲始興王濬法曹參軍分左氏經傳隨國立篇製木
方丈圖山川土地各有分理離之則州郡殊別合之
則寓內爲一元嘉二十七年累遷太子中庶子時南
平王鐸獻赤鸚鵡普詔群臣爲賦太子左衛率袁淑
見而歎曰江東無我卿當獨秀我若無卿亦一時之

傑也初孝武嘗問顏延之曰謝希逸月賦何如延之答
曰美則美矣但莊始知隔千里兮共明月帝召莊以延
之答語莊莊應聲答曰延之曾作秋胡詩始知生爲
久離別沒爲長不歸帝撫掌音曰世祖平元兇累拜
侍中右衛將軍平時以搜材路狹乃上表言之尋轉吏
部尚書居選部與江夏王書固辭帝以爲吏部猶輕下
詔於是置吏部尚書二人省五兵尚書莊與度支尚書
顧愷之並補選部職時河南獻舞馬使莊作舞馬賦又
作舞馬歌令樂府歌之遷侍中領前將軍及廢帝即位
進金紫光祿大夫六宗即位轉中書令年三十六卒
所著文章四百餘言長子颺晉平太守女爲順帝后

建康實錄卷第十四

宋下

太宗明皇帝

廢帝諱昱

順帝諱准



太宗明皇帝諱彧字以炳小字榮期文帝第十一子也元嘉十六年十月己辰生二十五年封淮南王二十九年改封湘東王孝武踐祚累遷鎮軍將軍景和中位雍州刺史即本號開府儀同三司是歲入朝時廢帝誅戮大月疑畏請公以二付廷尉將加禍害者數十既而上意定明日應就禍上先已與腹心阮佃夫至道等密謀廢帝左右常慮揭人人有思志唯直閣將軍宗越譚金童太一等數人為其腹心並有幹力在殿省莫敢動是夜賊等並外宿佃夫道兒因結譚叔之等執廢帝於後堂時十一月二十九日也事定尚未知所為建安王休仁便稱臣奉引上西堂登御座召見諸大臣于時事出倉卒上失履蹠至西堂猶着烏帽座定休仁呼主衣以紗帽代引備羽儀雖未即位凡眾事悉稱令書已未司徒豫章王子高山陰公主並賜死宗越譚金童太一謀反伏誅十二月庚申朔以司空東海王禕為中書監太尉進鎮軍將軍江州刺史晉安王子勛車騎將軍開府儀同三司癸亥以新除驃騎將軍建安王休仁為司徒尚書令揚州刺史乙丑改封安隆王子綏為江夏王

秦始元年冬十二月丙寅皇帝即位于大極前殿大赦改元賜人爵二級辛未改封臨賀王子產爲南平王晉熙王子輿爲廬陵王壬申以尚書右僕射王景文爲尚書左僕射癸酉詔分遣大使廣求人瘼乙亥追尊所生母沈婕妤曰宣皇太后戊寅改太皇太后爲崇憲太后立皇后王氏壬戌罷二銖錢江州刺史晉安王子勛舉兵反鎮軍長史鄧琬爲其謀主雍州刺史袁顛赴之壬申謁大廟甲申郢州刺史安陸王子綏會稽太守尋陽王子房臨海王子頊並舉兵同逆二年春正月乙未晉安王子勛僭即位于尋陽年號義嘉壬辰徐州刺史薛安都反甲午內外戒嚴司徒建安王休仁都督征討軍事統衆軍南討丙戌徐州刺史申令孫司州刺史龐孟州刺史豫州刺史殷琰青州刺史沈文秀冀州刺史崔道固朔州刺史行軍何慧文廣州刺史袁曇益州刺史蕭慧開梁州刺史柳元怡並同逆丙午車駕親御六軍於中興堂辛亥南豫州刺史山陽王休祐改爲豫州刺史統諸軍西討吳郡太守顧琛吳興太守王曇生義興太守劉延熙晉陵太守袁標山陽太守程天祚等並舉兵反鎮軍將軍巴陵王休若統衆軍東討壬子崇憲皇太后崩二月乙丑曲赦吳興晉陵義興山陽郡以吏部尚書蔡興宗爲右僕射以吳興太守蕭道成東討平晉陵

癸未曲赦江南五郡丁亥建武將軍吳嘉公率諸軍破賊於吳興會稽平定三郡同逆皆伏誅輔國將軍蕭道成前鋒東討輔國將軍劉劬前鋒西討賊劉胡衆四萬據赭圻三月庚寅撫軍將軍殷孝祖攻赭圻死之以輔國沈攸之代爲南討前鋒賊稍盛袁顛頓鵲尾連營至蕪湖衆十餘萬丙申南徐州刺史桂陽王休範摠統北討諸軍事戊戌敗尋陽王子房爵爲松滋縣侯癸卯令人入米七百碩除郡減此有差壬子斷雜錢專用古文錢癸丑原赦揚徐二州囚繫凡逋亡一無所問夏五月丁酉曲赦豫州甲寅葬崇德皇太后於循寧陵秋七月丁酉以仇池太守楊僧嗣爲秦州刺史封武郡王八月己酉司徒建安王休仁帥衆軍大破賊斬僞尚書僕射袁顛進討江郢荆襄雍五州平之晉安王子勛安陵王子綏臨海王子瑱邵陵王子元並賜死同黨皆伏誅諸將帥封賞各有差九月乙酉曲赦江郢荆湘雍五州守宰不得離職癸巳六軍解嚴大赦賜文武爵一級戊戌以車騎將軍江州刺史王玄爲左光祿大夫開府儀同三司鎮軍將軍冬十月乙卯永嘉王子仁始安王子真淮南王子孟南平王子產廬陵王子興松滋王子房並賜死丁卯以郢州刺史沈攸之爲中領軍與張永俱北伐戊寅立皇子昱爲皇太子曲赦揚南徐二州十二

月壬辰立建平王景素子延年為新安王薛安都要
引魏軍張永沈攸之大敗於是遂失淮南北四州及
豫州淮西地是歲即魏天安元年

三年春正月庚子以農役將興詔太官停宰牛祭郊
曲赦揚豫二州庚午都下大雨雪遣使巡行賑貸各
有差二月甲申為戰士將士舉哀丙子赦青冀二州
夏四月丙戌詔以故丞相江夏文憲王故太尉巴東
忠烈公柳元景故司空始興襄公沈慶之故征西將
軍陽肅侯宗懋陪祭孝武廟庭庚子立桂賜王休範
第三子德嗣為廬江王立侍中劉勰第三子欽為南
封王以奉廬江昭王南京王南豐哀王祀五月丙申

詔宣太后崇陵禁內墳塚徒者給葬直蠲復其家

壬戌以太子詹事袁粲為尚書僕射秋八月壬寅以中

領軍沈攸之行南兖州刺史率眾北侵癸卯大赦景
午遷吏部尚書褚彥回慰勞緣淮將帥隨宜量賜九
月戊午以皇后六宮已下雜衣千領金釵千枚賜北
伐將士甲子曲赦徐兖青冀四州冬十月壬午改封
新安王延年為始平王戊子蠕蠕國遣使朝貢辛丑
復郡縣公田進鎮西大將軍西秦河二州刺史吐谷
渾澤拾寅為征西大將軍十一月立建安王休仁第二
子伯仁為江夏王高麗百濟等並遣使朝貢是歲魏
皇興元年

四年春正月丙辰朔雨草于宮己未祀南郊大赦乙亥零陵王勗薨二月乙巳光祿大夫王玄謀薨三月交州人李長仁據州叛引妖賊攻廣州殺刺史羊希龍驤將軍陳伯紹討平之夏四月己卯復減郡縣田祿之半丙由改封東海王禕為廬陵王山陽王休祐為晉平王辛丑蠕蠕國河南國遣使朝貢五月乙巳曲赦廣州秋七月戊辰詔定黥刑之制有司奏自今九劫竊執官仗拒戰邏司攻剽亭寺及傷害吏人并監司將吏自為劫皆不限人數悉依舊制斬刑若遇赦黥額及兩頰劫字斷去兩脚筋徙付交梁寧州戍五人已下止相逼奪者亦依黥作劫字斷去兩脚筋徙赴遠州若遇赦原斷徙猶黥面依舊移家口應及坐悉依舊結謫及上崩其例乃寢庚午上備法駕幸東宮小會赦揚南徐兗豫四州冬十月癸酉日有蝕之發諸州兵北伐

五年春正月癸亥親耕藉田大赦賜力田爵一級乙丑魏剋青州執刺史沈文秀三月庚申以太尉廬江王禕為車騎將軍開府儀同三司南豫州刺史三月己巳河南國遣使朝貢六月辛未立晉平王休祐子宣曜為南平王癸酉以軍興已來百官斷奉以給生食秋七月壬戌改輔國將軍為輔師將軍九月甲寅立長沙王纂子延之為始平王冬十月丁卯朔日有

蝕之十一月丁未魏人來聘十二月庚申分荆益二州五郡置三巴校尉

六年春正月辛未祀南郊乙亥初制二年一祭南郊一年一祭明堂二月甲寅大赦夏四月己亥立皇子燮爲晉熙王六月癸卯以鎮南將軍江州刺史王景文爲尚書左僕射楊州刺史以尚書僕射袁粲爲右僕射己未改臨賀郡爲臨慶郡追東平王休倩爲臨慶王秋七月丙戌臨慶王智井薨九月戊寅立摠明觀徵學士充之置東觀祭酒訪舉各一人舉士二十人分爲儒道文史陰陽五部學言陰陽者遂無其人冬十月辛卯立皇子贊爲武陵王十一月高麗遣使朝貢十二月癸巳以邊難未息制父母隔在異域者悉使婚官

七年春正月甲戌置散騎奏舉郎二月癸丑征西將軍荊州刺史巴陵王休若進號征西大將軍及征南大將軍江州刺史桂陽王休範並開府儀同三司甲寅南徐州刺史晉平王休祐薨三月辛酉魏人來聘壬戌蠕蠕國遣使朝貢四月辛丑滅天下死罪一等凡勅繫滯悉遣之五月戊午鳩司徒建安王休仁庚午以袁粲爲尚書令褚彥回爲右僕射丙戌追免晉平王休祐爲庶人秋七月丁巳罷散騎奏舉郎乙丑江州刺史巴陵王休若賜死八月戊子以皇子躋繼

江夏文獻王義恭。庾寅帝疾間大赦。戊戌立皇子準爲安誠王。冬十一月戊午。百濟國遣使朝貢。是歲魏獻文帝禪位于太子。爲孝文皇帝。改元曰延興。泰豫元年春正月甲寅朔。上以疾未痊。改元丁巳。巨跡見西池冰上。會皇太子文貢計於東宮。三月癸丑朔。林邑國遣使朝貢。夏四月己亥。上疾大漸。加江州刺史桂陽王休範位司空。以中領軍劉劭爲尚書右僕射。鎮東將軍蔡興宗爲征西將軍。開府儀同三司。荊州刺史郢州刺史沈攸之進號安西將軍。袁粲褚彥回劉貞蔡興宗沈攸之入問疾。被顧命。是日上崩于景福殿。時年三十四。五月戊寅葬臨沂縣幕府山高寧陵。帝少而和令風姿。端雅少失所生。養於路太后房內。大明中。諸弟多見猜忌。唯上見親。常侍太后醫藥。好讀書。愛文義。在藩時。撰江左已來文章志。又續衛瓘所注論語行於世。及即大位。四方反叛。以寬仁待物。諸軍有父子兄弟同逆者。並授以禁兵。委任不異。莫不盡力。及平定天下。逆黨多被全宥。有才能者。並見拔用。如舊日才學之士。多蒙引進於華林園。茅堂誦周易。常自臨聽。末年好鬼神。多忌諱言語。文書有禍敗凶喪及疑似言。應迴避者。數百千品。犯者必加罪戮。改駟馬字爲馬傍。作瓜。以駟似禍字故也。又嘗以南苑借張永。去給三百年期滿。更啓復命。問

曰永不以爲少乎其事類如此宣陽門聞人謂之白門上以白門之名不祥甚諱之尚書左丞江溢嘗誤犯上變色曰白汝家門溢頓首謝罪久之方釋路太后停屍漆牀移出東宮上嘗幸宮見之怒甚免中庶子職局以之坐死者數十人內外常慮所犯人不自得宮內禁忌尤甚殺牀修壁必先祭神使文詞呪策如大祭饗阮佃夫揚運長王道隆皆擅威權言爲詔勅郡守令長一轍十除內外渾然宮以賄進王阮之家富於公室中書舍人胡毋顛者亦專所通奏無不可時人語曰禾絹閉眼諾胡毋大張囊禾絹謂上也及秦始皇豫之際更忍虐好殺左右失言忤意往往有剗斫斷截者漢中稟之若踐刃翊夜夢人曰豫章太守劉惛又遣使就郡斬之經略淮泗軍旅不息荒弊積久府藏空虛內外百官並斷俸祿又令小黃門於殿後埋錢以爲私藏性嗜味以密漬鮓鯪一食數升噉猪肉炙嘗至二百齋奢費無度預爲服侈每乃造製必爲正御三十副御次副三十須一物輒造九十枚天下搔然人不堪之其餘事跡別見衆篇

後廢帝

後廢帝諱昱字德融明帝長子也大明七年正月辛丑生於衛尉府明帝諸子在孕皆以周易筮之即以所得卦爲小字故帝小字惠震其餘皇子並如之秦

始二年立為皇太子三年始制太子改名石山安車
乘象輅六年出東宮又制太子元正朝貢充冕九章
衣秦豫元年四月己亥明帝崩庾子太子即皇帝位
大赦以尚書袁粲為護軍將軍褚彥回共輔朝政班
劍依舊入殿六月壬辰詔遣大使分行四方觀採風
謠問其疾苦求政善惡乙巳尊皇后曰皇太后立皇
后江氏秋七月戊辰崇拜帝所生陳貴妃為皇太妃
八月戊辰新除秘書監左光祿大夫開府儀同三司
蔡興宗薨冬十一月乙亥新除郢州刺史劉彥節為
尚書左僕射蠕蠕國高麗國並遣使朝貢

元徽元年春正月戊寅大赦壬寅詔自元年以前徒
放者並聽還本土魏人來朝夏六月乙卯壽陽大水遣
使賑卹秋八月都下旱冬三陳留王曹鈺薨九月丁
亥立衡陽王休暉子伯玉為南安王冬十二月癸卯
朔日有蝕之乙巳進司監江州刺史桂陽王休範位
太尉癸卯立前楚安王世子伯融為始安王是歲利
浮南遣使朝貢

二年夏五月壬午太尉江州刺史桂陽王休範舉兵
反庾寅內外戒嚴以中領軍劉劭右衛將軍蕭道成
為前鋒南討出屯新亭征北將軍張永屯白下前南
兖州刺史沈懷明戍石頭衛將軍袁粲中軍將軍褚
彥回入衛殿省壬辰賊奄至攻新亭壘蕭道成拒擊

大破之越騎校尉張劭見斬休範黨杜黑豸蠹丁文豪
分兵向朱雀航劉劭拒賊賊縊死之尤將將軍王道
隆奔走遇害張永潰于白下沈懷明自石頭奔散甲
午護軍典籤蕭恬開東府納賊入屯中堂羽林監陳
顯達擊大破之丙申張劭兒等又破賊進平東府城
梟群賊黨賜封爵各有差丁酉詔瘞戰敗亡者大赦
解嚴文武俱進位一等荊州刺史沈攸之南徐州刺
史建平王景素郢州刺史晉熙王燮湘州刺史王僧
虔雍州刺史張世興並舉義兵赴建業己亥蠕蠕國
遣使朝貢六月癸卯晉熙王燮遣軍刺尋陽江州平
丙午改輔師將軍還為輔國將軍秋七月庚辰立皇
弟友為邵陵王乙酉徐州刺史建平王景素進號征
北將軍開府儀同三司九月丁酉以尚書新除衛將
軍袁粲為中書監即本號開府儀同三司加護軍將
軍褚彥回為尚書令冬十一月丙戌帝加元服大赦
賜人爵一級為人後及三老孝悌力田者爵二級大
酺五日賜王公已下各有差十二月癸亥立皇弟躋
為江夏王贊為武陵王

三年春正月辛巳祠南郊及明堂三月己巳都下大
水六月魏人來聘秋七月庚戌以兼司徒袁粲為尚
書令九月景辰征西大將軍河南王吐谷渾拾寅進
號車騎征西大將軍是歲浮南國高麗國並遣使朝貢

四年春正月己亥耕藉田大赦賜力田爵一級六月
乙亥加領軍蕭道成尚書左僕射秋七月戊子征北
將軍南徐州刺史建平王景素據京城反乙亥內外
纂嚴遣車騎將軍任農夫冠軍將軍黃廻北討護軍
將軍蕭道成摠統衆軍曲赦南徐州始安王伯融都
鄉侯伯猷並賜死乙未剋京城斬景素同逆皆伏誅
是日解嚴丙申大赦封賞各有差八月丁酉立皇弟
勰為南陽王嵩為新興王禕為始興王九月戊子驍
騎將軍高道慶有罪賜死乙丑車騎將軍揚州刺史
安成王準進號驃騎大將軍開府儀同三司冬十月
辛酉以吏部尚書王僧虔為尚書左僕射是歲魏承

明元年太上獻文皇帝崩

五年春正月辛卯祠南郊夏四月甲戌豫州刺史阮
佃夫步兵校尉申伯宗朱幼謀廢立事皆伏誅五月
地震六月甲戌誅司徒長史沈勃散騎常侍杜幼文
游擊將軍孫超之長水校尉杜叔文大赦七月戊子
夜帝遇弒於仁壽殿時年十五癸丑皇太后令廢帝
為蒼梧郡王葬丹陽秣陵縣郊壇西初帝之生夕明
帝夢一人乘馬馬無頭及後足有人為明帝曰太子
也及在東宮五六歲時始就書而情業好戲主師不
能禁好緣漆帳竿去地丈餘如此者半食頃乃下年
漸長喜怒乖節左右失旨者輒手加撲打徒跣蹲踞

以此爲常主師以白明帝帝輒勅帝所生嚴加捶訓
及嗣位內畏太后外憚諸大臣猶未得肆志自加元
服變態轉興三年秋冬間便好出遊行太妃每乘青
犢車隨相檢攝帝漸自放逸太妃不能禁單將左右
棄部伍或十里或八市鄽遇慢罵則悅而受焉或往
營署日暮乃歸四年春夏彌數自京城剋定意志轉
驕無日不出與左右解僧智張互兒恒相馳逐夜出
開承明門夕去晨返或晨出暮還從者並執鉞才行
人男女及犬馬牛驢逢無免者苦爲鬼神所憑人間
擾懼蓋日不殺開門道上行入殆絕常着小袴未常
服衣冠或有忤言輒加虐害有白搭數十各有名號
鉗鑿錐鋸之類不離左右爲擊腦搥陰刺心剖腹之
誅日有數十常見卧屍流血然始爲樂嘗以鐵錐錐人
陰破左右有斂眉者帝大怒令此人髀形正立以矛
刺洞之於曝靈殿上養驢數十頭所自乘馬養於御
牀側與左右衛翼輦營女子私通每從之遊持數千
錢爲酒肉之費或單騎出遊逢人婚姻葬送輒就挽
歌與小兒同聚飲酒爲樂阮佃夫腹心人張羊爲佃
夫妾信佃夫敗叛走復捕得之帝自於承明殿前以
車轆殺之又殺杜延載杜幼文孫超皆躬運矛鉞二
自齎割刑及嬰孩察孫超有蒜氣剖腹視其所食執
杜幼文兄叔於玄武湖北帝馳馬執戰稍自往刺之

又好行盜掠時吳興沈勃多寶貨帝將數十人劫之
揮刀獨前左右未至勃時居喪在廬帝望見便投鉞
不中勃知不免手搏帝耳唾罵之曰汝罪逾桀紂屠
戮無日尋遂見害帝自齧割肌骨腸胃莫不分割又
制露車一乘施竿乘以出入從者不過數十人羽儀
追者恒不及又各慮禍亦不敢追唯整部伍別在一
處瞻望而已凡諸鄙事過目即能能鍛金銀裁衣作
帽莫不精絕嘗吹篳執管便韻天性好殺以虐為歡
一日無事輒慘慘不樂内外一日司人不自保殿省憂
懼夕不及旦領軍將軍蕭道成與直閤將軍王敬則
謀之七月戊子帝微行出湖北單馬先走羽騎禁衛
隨後追之左右張互兒馬墜湖帝怒取馬置明光亭
前馳騎刺馬屠割之與左右作羌胡伎小樂又於崗
竊賭跳因乘露車從者二十餘人無復鹵簿羽儀往
青園尼寺新安寺偷狗就曇度道人煮之飲酒夕還
先是左右楊玉夫常得意而數日忽然見憎遇輒切
齒謂人曰明日當殺小子取肝肺玉夫大懼是夜七
夕令玉夫伺織女度報已因與內人穿針訖大醉仁
壽殿東阿羶幄中時帝出入無恒省内諸閤夜間不
閉且廊下畏相連無敢出者宿衛内外無相禁攝王
敬則先結玉夫及餘左右陳奉伯楊萬年等合二十
三人其夕敬則出外玉夫候帝眠熟至二更與萬年

同入轎帷中取千牛刀行殺之

順帝

順皇帝諱準字仲謨小字智觀明帝第三子也泰始五年七月癸丑生七年封安城王拜撫軍將軍姿貌端華眉目如畫見者以爲神人廢帝即位加揚州刺史元徽二年加都督揚南豫二州諸軍事四年進號驃騎大將軍開府儀同三司給班劍三十人及廢帝崩蕭道成奉太后令迎王入居朝堂是歲魏太和元年昇平元年秋七月壬辰皇帝即位大赦改元賜文武位二等甲午鎮軍蕭道成出鎮東城輔政丙申征西大將軍荊州刺史沈攸之進號車騎大將軍開府儀同三司加蕭道成司空錄尚書事以尚書令袁粲爲中書監以司徒褚彥回爲衛軍將軍開府儀同三司以撫軍劉彥節爲尚書令加中軍將軍辛丑以尚書左僕射王僧虔爲尚書僕射癸卯車駕謁太廟八月壬子遣使賑卹蠲除稅調癸亥司徒袁粲鎮石頭戊子崇拜帝所生陳昭華爲皇太后庚午司徒蕭道成讓職庚辰以爲驃騎大將軍開府儀同三司錄尚書如故九月己丑詔州郡搜括幽仄乙酉廬陵王高薨冬十一月丁酉倭國遣使朝貢十二月丁巳荊州刺史沈攸之舉兵不從執政丁卯蕭道成入守朝堂侍中蕭嶷鎮東府戊辰中外纂嚴壬申司徒袁粲誅

蕭道成不果旋見覆滅甲戌大赦乙亥以僕射王僧虔為左僕射除中書令王延之為右僕射吳郡太守劉遐據郡不從執政輔國將軍張懷政斬之閏月辛巳屯騎校尉王宜興貳於執政見誅癸亥沈攸之攻圍郢城前軍長史柳世隆固守己亥中外戒嚴驃騎大將軍蕭道成假黃鉞出新亭

二年春正月丁卯沈攸之自郢州奔散己巳華容縣人斬攸之首送之辛未雍州刺史張劼兗州刺史張劼江陵荆州平景子戒嚴以新授侍中柳世隆為右僕射以蕭道成旋領東府二月庚辰以王僧虔為尚書令右僕射王延之為左僕射癸未以蕭道成加授太尉以衛

晉書卷一百一十五

十五

蕭道成

將軍褚彥回為中書監丙申曲敕荆州西武撫軍楊州刺史晉熙王燮進號中軍關府儀同三司三月乙未日有蝕之夏四月南兖州刺史黃回貳于執政賜死五月戊午以倭國王武為安東大將軍六月丁酉以輔國將軍楊文弘為北秦州刺史封武都王九月乙酉朔日有蝕之丙午加大尉蕭道成黃鉞都督中外諸軍事為太傅領揚州牧賜殊禮以揚州刺史晉安王燮為司徒冬十月壬寅立皇后謝氏降死罪己下囚十一月壬子立故武昌太守劉琨息頒為南豐縣王癸亥誅臨豐侯劉晃甲子改封南陽王翽為隨郡王十二月丙戌皇后見于太廟是歲蠕蠕國高麗

倭國並遣使朝貢

三年春正月辛亥領軍蕭頤加尚書左僕射進號中
軍大將軍開府儀同三司二月丙子南豫州刺史邵陵
王友薨景申地震建陽門三月癸亥朔日有蝕之甲辰
加大傅蕭道成相國摠百揆封十郡為齊公備九錫
之禮庚戌誅臨川王綽夏四月壬申進齊公蕭道成
爵為王安西將軍武陵王薨薨立如帝禪位於齊王
壬辰遜于東邸是日王薨則以兵陳于殿庭帝猶居
於內聞之逃于佛堂下太后懼自劫門堅索得帝焉
扶幸板輿黃明護促之帝志加刀志之中項而殞帝
既出宮人行哭俱遂南羽儀乘車出東掖門問
今日何不委棄天下帝曰吾受命封帝為
汝陰王居丹徒宮中不拜之禮齊兵為衛建元元
年五月己未帝薨於東宮薨時年二十一歲葬于遂寧陵謚
疾赴齊人德正貴之以邑六月乙酉葬于遂寧陵謚
曰順帝宋之王侯無少長皆幽死矣

列傳

徐湛之

江湛

王僧綽

顏延之

臧質

魯爽

沈攸之

王僧達

顏峻

朱循之

宗慤

柳元景

顏師伯

沈慶之

蕭思話

劉延孫

劉秀之

顧琛

顧愷之

周朗

宗越

譚金

童太一

吳喜

黃回

鄧琬

劉胡

袁顛

孔顛

謝莊

王景文

殷孝祖

劉劭

蕭惠開

殷琰

薛安都

沈文秀

袁粲

何子平

王鎮之

阮長之

江秉之

陸徽

戴顛

周續之

王弘之

劉凝之

戴法興

阮佃夫

徐湛之字季源東海鄉人司徒羨之兄孫祖欽之父

遠之尚高祖長女合稽長公主湛之幼孤為高祖所

愛常與江夏王義恭夜會不離帝側元嘉元年東宮

始建起家稱太子沈嘉景遠太子詹事加侍中高祖

微時自於新州代荻有納布衫襖是勅皇后手自作

也後文帝時嘗彭城王義康等長公主將擲殿前以

示上曰汝家本賤貧此是我為汝父作此納衣今

日有一頓飽食便欲殘害我兒子上亦號哭湛之由

此得全湛之服色鮮麗遊宴奢侈時安成公何勗無忌

子也臨汝公孟靈休昶之子也各奢豪京師語曰安

成食臨汝飾湛之二事兼美之以范曄事發出為南

兖州刺史元嘉二十六年入為丹陽尹轉尚書僕射

後與江湛竝居權要世謂之江徐二宮巫蠱事發上

將廢劭賜死上與湛之等連議不決其夕向旦劭入

殺文帝湛之趨北戶未及開而見害時年四十四世祖即位追贈司空與王僧綽江湛三家詔加優恤常給廩子栢之嗣

江湛字徽淵濟陽考城人也湘州刺史爽之子也好學善彈其鼓琴為著作累遷至侍中吏部尚書家貧不營財利餉饋一無所受身無兼服餘食嘗為上召值瀚衣稱疾經日衣成然後起及元兇入殺上湛省中聞叫噪聲乃匿旁小屋劬遣收之據窻受害時年四十六五子皆見殺世祖即位贈黃門侍郎

王僧綽瑯琊臨沂人少有大成之度衆以國器許之年十三襲豫章侯尚太祖長女東陽獻公主累遷尚

書吏部郎叅掌選職藻品人物拔才舉能咸盡其分

拜侍中時年二十九太祖嘗以後事為念大相付託

朝政大小皆與叅焉後元兇篡弒時文帝獨與僧綽

江湛之謀議未決明日元兇入宮害文帝而誅江徐

轉僧綽為吏部尚書尋僧綽所啓廢諸王事乃收害

焉時年三十一以因此陷北第諸王侯以為與僧綽

有異志也初太社西有空地一區吳時丁奉宅孫皓

流徙其家晉有江左初為周顛蘇峻宅其後為袁真

宅又為章武王司馬秀宅皆凶敗後給與臧壽亦頗

遇喪禍世稱凶地王僧綽常以政達自居宅無吉凶

請為予始就修築未居而敗子儉嗣為齊尚書僕

顏延之字延年瑯琊臨沂人曾祖含父顥延之少孤
居貧自負南郭數頃室甚陋好讀書無所不覽文章
之美冠絕當時好飲酒不拘細行年三十猶未婚起
自豫章公世子參軍累遷出爲始安太守徵入爲中
書侍郎後拜祕書監太祖賞愛釋惠琳嘗外獨榻延
之甚疾焉因醉白上曰昔予同泰乘素絲正色此三
台之座豈可刑餘居之性其言無迴隱居身清約不
求財利布衣蔬食獨酌郊野元元三以爲光祿大夫
子峻爲世祖南中郎世祖入宣旨徵延之與靈運詞
彩齊而邊遠懸絕嘗俱入山遊樂有北上篇延之立
成靈運久之乃竟問得否大覺昭昭曰謝五言如
初發芙蓉自然可愛顏詩如錦繡列繡亦彫績滿眼
世祖登位爲令宗光祿大夫三年卒年七十三
贈特進自潘岳履機之後文士莫及江左稱顏延之
謝靈運爲之類也

臧質字含文東莞人父憲字義和敬皇后弟也嘗
與溧陽令阮裕共獵直前獨射之應弦而倒質
少好鷹犬高祖即位累遷太子左衛率太祖即位魏
拓跋燾與質書曰爾不聞童謠云耶虜馬飲江水外
年佛狸死此真期使然非復人事也哉苦攻城三旬
不下虜乃退後元兗踐位以爲丹陽尹後世祖時爲
車騎將軍封始興公同南郡王義宣作逆以孝建元

年為沈慶之破於梁山軍敗南走追斬於南湖傳首京師

魯爽小字女生扶風郿人也祖宗之晉末位至鎮北將軍封南陽公子執一名象齒爽之父也高祖初舉兵因擬走北盡室入恙中虜以執為荊州刺史世祖平元兇自表求歸宋元嘉二十八年執死爽代為荊州刺史鎮長社幼染殊浴無華風使酒數有過失括拔燾怒欲誅之爽懼因從拓拔遂與次第秀南歸世祖大悅以爽為征虜將軍司州刺史秀為輔國將軍子弟過者隨才遷用即元嘉二十八年也魏虜皆毀其墳二十九年入朝三十年元兇殺逆世祖平元兇以為左將軍南譙王義宣反與臧質謀舉兵稱建平元年爽於是送所造服輿之江陵與義宣為薛安都破於小峴乃傳首京師

沈攸之字仲達吳興武康人也慶之從父兄子世祖與元兇戰于新亭立功累遷左將軍晉世京邑二岸揚州舊置都部從事分掌二縣非違孝建已來攸之掌北岸會稽孔瓌掌南岸後罷之太宗即位四方多叛攸之與王玄謨等南上平定進至夏口便有異圖太祖崩與蔡興宗平桂陽王休範亂進位征南大將軍開府儀同三司廢帝崩蕭道成輔政遣其子沈元琰進父攸之為車騎大將軍攸之曰吾寧為王陵死

不作賈充生又太后賜收之燭十挺剖之得手令曰
國家之事悉以相委明日遂起兵初時有象三頭至
江陵城北數里收之自出將殺之忽有流矢集收之
馬鄣泥其後刺客事發廢帝殞順帝立收之遂發兵
戰士十萬鐵馬三千匹泗州刺史張劭兒等皆響應
至夏口沙門僧粲見收之驚江陵筮曰必不至京邑
及攻郢城不下而潰走向江陵間城已為張劭兒所
據遂自縊死村人斬首傳送京師

王僧達瑯琊臨沂人太保弘之少子太祖聞僧達早
惠召見於德陽殿嘉之妻以臨川王義慶女少好學
善屬文為太子舍人坐屬廢而於揚州列橋觀鬪鴨為
有司所糾乃原不問永嘉二十三年元帝載逆世祖下
平元兗為人所說歸世祖於揚州拜長史及元兗平
累為尚書右僕射轉護軍中書令尋出為吳郡太守
使主簿劫東臺寺寫沙門得財數萬宅於吳坐免官
後音因高閣事下獄死年三十六子道琰

顏峻字士遜瑯琊臨沂人光祿延之子太祖嘗問延
之曰卿諸子誰有卿風延之對曰峻得臣筆測得臣
文伯得臣義躍得臣酒何尚之嘲曰誰得卿狂延之
曰不可及也峻為世祖撫軍主簿補益悉心以平元
兗功遷侍中封達成侯轉吏部尚書留心選舉後謝
莊代峻領選峻容兒嚴毅莊風姿甚美賓客誼訥常

微笑答之時人謂之語曰顏峻嗔而與人官謝莊笑而不與人官南郡王義宣反後遷領軍將軍尋代褚湛之爲丹陽尹以立議鵝眼緹環等錢加中書令後以切直諫爭又自爲恩舊莫比當務居中永執朝政而所陳多不被納遂求出爲東揚州刺史憂懼無計而每對親故言頗憤然而說朝事違謬人主得失及王僧達被誅陳峻爲書上達使御史中丞庾徽之奏付廷尉治罪未即大戮且止免官後陳啓謝罪乞性命上愈怒以竟陵王義逆發因此陷之言通於誕詔下獄死徙于碎強於交州道殺之

朱循之字赤止

平氏人

父

循之自

州主簿累遷中郎將隨劉彥之征魏虜守滑臺爲虜所圍累月糧盡外援不至遂陷沒初母聞循之被圍常悲憂忽一旦乳汁驚出母號慟告家人曰我年老非復有乳今如此兒必沒矣後聞至循之果是此日城陷拓拔劼嘉其守節以爲侍中復鮮卑馮弘稱燕王於黃龍拓拔壽伐之人遂說弘令循之歸求救乃發使遂泛海未至東萊遇猛風船失拖海師慮向海北垂長索舩乃正海師仰望見飛鳥知去岸近尋至東萊郡元嘉九年至京師上以爲黃門侍郎累遷江夏內史元兇弒逆孝武即位爲荊州刺史南郡王反平後以功封南昌侯治身清約法令嚴明尋

徵爲左民尚書轉領軍將軍去鎮秋毫無犯在州已
來不燃官燭油及牛馬食皆以私錢裨之然薄於恩
情姊在鄉里饑寒不立循之貴爲刺史未嘗供贍往
姊家姊爲設菜羹麤飯以激之循之曰此是貧家好
食進之致飽卒贈大將軍子雍嗣

宗慤字元幹南陽涅陽人叔父炳字少文高尚不仕
少時炳嘗問慤志答曰願乘長風破萬里浪炳曰汝
若不富貴必破我門戶也起爲輔國將軍叅軍十五
年不改官後除安西叅軍隨檀和之破林邑王范陽
邁傾國來逆以具裝被象慤以師子威服百獸乃製
其形與象相拒象見果驚奔敗賊衆潰遂剋林邑收
其珍異皆是未名之寶金銀各六萬兩太相嘉之以
爲南中郎諮議叅軍領中兵世祖即位累遷西平將
軍洸陽侯轉左衛將軍光祿大夫金章紫綬卒贈征
西將軍子元寶嗣

抑元景字孝仁河東野人也曾祖卓自本郡遷於襄
陽官至汝南太守祖恬西河太守父憑馮翊太守元
景少便弓馬以朝廷北伐爲中兵叅軍與薛安都破
魏軍入狐關前無堅敵遷寧朔將軍入爲世祖討元
兗爲前鋒宗慤薛安都等十三軍皆隸焉旣破元兗
於朱雀門進侍中前將軍雍州刺史曲江公以破義
宣臧質魯爽等於姑孰多張旗幟加開府改封巴東

公尋為驃騎大將軍南兗州刺史留衛京邑世祖遺詔遷尚書令丹陽尹元景起自將帥及當朝有弘雅之風多事產業居南岸有菜園數十畝後為廢帝所害太宗即位追贈太尉

顏師伯字長淵瑯琊臨沂人東揚州刺史竣族兄也父邵以謝晦敗服藥死師伯少孤涉獵書傳以安北將軍入討元兇世祖即位遷黃門侍郎封平都縣子以青州刺史大破魏虜斬河南公進吏部尚書世祖崩受遺詔輔少主為尚書右僕射廢帝即位居權與柳元景同誅年四十四七子皆見殺太宗即位贈大尉沈慶之字弘先吳興武康人也兄敞之為趙倫之征

虜將軍慶之未冠隨鄉族擊孫恩屢捷後鄉族流散慶之歸耕年四十未知名乃往襄陽省兄敞之倫之見奇之令子伯符板為中兵叅軍後檀道濟稱於太祖言其曉兵稍得接引出入禁省遂轉為正員將軍劉湛被收之夕召慶之慶之戎服履韎縛袴入上見驚曰卿何故乃爾急裝慶之曰夜半喚隊主不容緩服乃遣收吳興劉斌弒之後為建威將軍遷世祖中兵叅軍隨西上平定諸山賊群蠻皆稽顙慶之先患頭風好着狐皮帽群蠻惡之號曰蒼頭公每見慶之軍輒懼口蒼頭公已復來矣元嘉二十七年太祖將北伐以慶之為步兵校尉慶之曰治國如治家耕當

問奴織當問婢陛下今欲伐人國而與白面書生輩謀事何由濟上大笑及北伐果無功王玄謀等退虜大進後隨世祖討淮汝蠻會元兗立慶之說世祖曰蕭斌婦人不足數其餘皆易與耳遂與謀下平元兗初慶之統諸軍事擊蠻從孝武至五洲元兗密與慶之書令殺孝武慶之入孝武稱疾不見慶之突前以元兗書呈孝武孝武泣求入內與母辭慶之曰下官受先帝厚恩今日唯力是視殿下何疑帝再拜曰家國安危悉在將軍即日勒兵處分主簿顏竣曰宜待衆軍慶之曰方興大事而與黃口小兒參預此禍至矣宜斬以徇軍竣再拜慶之曰君但知筆札之事世祖立以為領軍將軍南兖州刺史封南昌公鎮盱眙及魯爽等反遣慶之與薛安都等往討之斬爽進慶之鎮北大將軍尋與柳元景俱開府儀同三司封始興公大明三年竟陵王誕據廣陵以慶之統諸軍平廣陵進司空給吏五十人門施行馬慶之居在西明門外有宅四所又有園在婁湖世祖崩受遺詔廢帝即位加几杖給三望車進太尉帝使慶之從子攸之齋藥酒飲死之年八十贈太尉

蕭思話南蘭陵人也孝懿皇后弟子也父原瑯瑯太守思話年十五未知書以遨遊為意心好騎射侵暴隣里患之自爾折節數年遂有令譽如書史善彈琴時

高祖一見便以國器許之頗能諫書曰解音律年十八除大司馬叅軍累遷至振威將軍告州刺史以虜南寇退鎮徵下廷尉初在青州嘗用銅斗覆在藥厨下忽於斗下得二死雀思話歎曰斗覆而雙雀殞其不祥乎既而被繫時氏帥楊難當寇漢中起為橫野將軍梁秦二州刺史遂殺難當平漢中元嘉二十三年除侍中左衛將軍嘗從太祖登鍾山北嶺中道有盤石清泉上使於石上彈琴因賜銀鍾酒而謂曰相賞有松石間意思話以去州無復事力借府庫九人太祖戲之曰文人終不為田父於里問何憂無人使耶元兗滅立以為徐兗二州刺史思話率部曲歸彭城

以應世祖世祖登位徵為中書令丹陽尹以外戚令望歷十二州杖節監督者九焉長子惠開

劉延孫彭城呂梁人也雍州刺史道產子舉秀才累遷世祖侍中前軍將軍封東昌侯轉尚書右僕射延孫病不任拜起上使乘板舩自溪至平昌門入尚書明年乃卒贈司徒

劉秀之字道寂東莞莒人司徒穆之從兄子世居京口祖爽山陰令父仲道餘姚令秀之少孤嘗與諸兒戲廳前忽有大蛇來勢甚猛皆驚呼而走秀之不動何承天以女妻之自建康令累遷至益州刺史元兗平復以破南譙王功封康樂侯進丹陽尹初從叔父

穆之為丹陽尹令子弟皆於廳事飲宴謂諸子弟曰爾試以栗遙擲柱孔中者後必得此郡唯秀之獨中焉後果然以廣陵王平後進尚書左僕射為安北將軍雍州刺史卒贈司空

顧琛字弘璋吳郡人曾祖和祖履之父琛不好浮華以尚書庫部郎至常侍年八十六

顧愷之字偉仁吳郡人也高祖諱字公諱為平原內史陸機姊夫父黃老愷之初為郡主簿遷護軍司馬時彭城王義康與老劉原著遂辭脚免之每夜於牀上行脚家人異之莫曉其意及義康徙廢朝廷多受禍愷之音免後起江陰令累遷石光祿大夫愷之心跡全清獨無所豫太祖甚嘉之轉左將軍湘州刺史家門雍穆有五子約縵綽緄時綽豐財民多負債愷之召收其文契皆燒之宣言遠近負二郎債皆不須還後卒于湘州謚曰簡子

周劭字義利汝南安城人父淳官至侍中兄嶠尚高祖女宣城公主有二女妻建平王宏廬陵王禧劭少愛竒初為江夏王義恭太尉參軍累遷廬陵內史因獵火逸燒郡廨屋以私秩償修之後坐母憂誣失孝行遷寧州道殺之

宗越南陽葉人也本河南晉亂徙南陽因為縣人安北將軍趙倫之鎮襄陽使長史范凱之修次氏族辯

高卑因為凱之黜以役門出補郡吏父為蠻所殺後市中得讎人刺殺之世祖鎮襄陽累用為揚武將軍領隊主元嘉二十八年啓太祖求復次門移戶屬冠軍縣許之世祖即位頻破反逆累遷司州刺史前廢帝以為游擊將軍越等既為廢帝盡心及太宗即位不自安謀作難沈攸之白帝收越下獄死之越善立營陣好殺害御衆嚴酷動用軍法時王玄謀御下亦少恩將士謂之語曰寧作五年徒不逢王玄謀玄謀猶尚可宗越更殺我

譚金南荒中僮人也嘗隨薛安都征伐以功共破元兗梁山遂遷屯騎校尉廢帝葬群公金為所用封平都縣男

童太一東菅人也官至大將軍而與宗越同死

吳喜吳興臨安人也本名喜公太宗改為喜初出身為領軍府白衣沈演之為領軍將軍進為主圖令史世祖即位遷河東太守太宗即位以四方叛逆假建威將軍簡羽林勇士配之喜與吳興討平定荊州遷前將軍恣意剽虜後尋賜死於所居及死發詔賻贈極厚黃回音陵郡軍人也出身充郡府雜役及臧質臨郡而討元兗回隨質有功免軍戶又隨質往江州擢為隊主自質反梁山敗走遇赦原委任如初後累功至太宗即位四方叛以回為河朔將軍使募江西楚人

得八百隸劉劭西討累遷為將校尉封葛陽侯廢帝
元徽初桂陽王休範為逆回隸蕭道成於新亭有功
轉驍騎將軍封聞喜侯及破侯景累遷右衛將軍後
沈攸之反為平西將軍郢州刺史未發在新亭而與
袁粲等謀攻臺城討齊王道成不果齊王撫之如舊
攸之平後率眾還封安陸郡公鎮北將軍南兖州刺
史尋被齊王表其罪詔誅之

鄧琬字元琰豫章南昌人父胤之光祿勳琬初為南海
太守累遷晉安王子勛鎮軍長史尋陽內史行江州事
前廢帝狂悖景和元年十一月子勛即日戒嚴戎服出
聽事集寮佐議廢昏立明使宣告內外馳檄遠邇以謀

王室左右贊成以琬為前鋒軍掌內外及太祖殺帝定
位使子勛子勛不受命徵兵四方遂會同逆宗室王公
皆會建牙於鵲尾傳檄四方及京師購太宗高祖侯景
各有差琬乃稱說符瑞造輿服以奉始二年正月七日子
勳即偽位於尋陽城以景和
義嘉元年子勳
平琬亦為張悅伏甲斬首送建業

劉胡南陽涅陽人也本名坳胡以其面坳黑似胡故
名坳胡後單名胡焉出身郡將稍至隊主口善處分
討伐諸蠻往無不捷明帝即位除越騎校尉同鄧琬
反立子勳為太子軍敗走竟陵引刀自刺蠻人至今
畏之小兒啼語曰劉胡來便止

袁顓字國章陳郡陽夏人太尉淑兄子也父珣吳郡太守顓為太子洗馬累遷吏部尚書封新塗縣子前廢帝深重之俄而意趣乖異寵待頓衰恐禍及求出沈慶之為言出為雍梁四州領寧蠻校尉雍州刺史顓舅蔡興宗謂之曰襄陽星惡豈可冒邪顓曰白刃交前不救流矢今者之行本願生出虜口且天道遼遠何必皆驗如其有徵當修德以禳之於是狼狽上路恒慮見追行至尋陽曰今知免矣與鄧琬歎狎每清閑必盡日窮夜顓與琬人地本殊衆知有異志矣顓遂謀與鄧琬劉胡詐被皇太后令使起兵建牙奉晉安王子勛即大位進顓為安北將軍率樓船千艘及戰士二萬來入鵠尾尋而劉胡叛走顓尋亦遁走至鵠頭鵠頭戍主薛伯珍殺顓而傳首詣軍主顓年四十七太宗流其屍於江弟子彖密致喪於石頭後崗諸子悉誅

孔顓字思遠會稽山陰人父邈顓少骨鯁有風力以是非為已任早知名舉揚州秀才累遷至尋陽王子房右軍長史太宗即位徵為詹事時上流多叛使都水使者孔瑛入東慰勞瑛既至而說顓言廢帝侈費國家傾危使其舉兵顓從之遂起兵檄四方以泰始二年正月顓子弟在京者皆逃還顓為前鋒度浙江吳興太守王曇首義興太守劉延熙晉陵太守袁粲等一時響應太宗使建威將軍沈懷明巴陵王休若等

莊有五子颺、肅、顥、從、瀹。世謂莊名子以風月景山水。初莊爲孝武殷淑妃誅而用漢昭事云。贊軌堯門廢帝在東宮銜之。及即位召問謂莊曰：卿昔作殷淑妃諫，頗知有東宮否？將誅之，留尚方。太宗即位乃出之。王景文瑯琊臨沂人也，名與明帝同諱，景文其字也。父僧卽官至尚書右僕射。景文美風姿，好言玄理，少與謝莊齊名起家。太子太傅主簿，累遷右僕射。景和元年太宗即位，平定四方，徵爲左僕射，領吏部。爲揚州刺史，封江安侯，加詹事常侍。如故時東宮詹事用人雖美，職次止可比中書令。又進領太子太傅常侍。僕射揚州如故。景文固辭太傅，上遣僕射褚淵宣旨以古來此例大事詰難之，不得已乃受拜。時太子及諸皇子並小，上稍爲身後之計。諸將帥及喜壽，寂之徒慮其不能奉幼主，並殺之時。景文外戚貴盛，求解揚州，上詔答之。上既有疾慮，一旦晏駕，皇后臨朝，則景文自然成宰相門族。彊盛藉元舅之重，歲暮不爲純臣。泰豫元年中夜對客，暴賜藥酒死。

殷孝祖，陳郡長平人也。曾祖羨，晉光祿勳。父祖官並不達。孝祖少誕節，好酒色，有氣幹。世祖即位以爲積射將軍，頻大破逆黨。前廢帝景和元年遷兗州刺史。太宗即位，四方叛累遷冠軍將軍，督前鋒諸軍事。先有諸葛亮箭袖鎧鐵帽二十五石，弩射之不能入。上

悉以賜孝祖泰始二年三月三日與賊合戰於赭圻以鼓蓋自隨軍中人相謂曰般統軍可謂死將矣今與賊交鋒而以羽儀自標顯若射者十手攢射欲不斃得乎是日中流矢死追贈建安縣侯謚曰忠

劉劭字伯猷彭城安上里人也祖懷義父穎之汝南太守劭少有志節兼好文義家貧為廣州增城令奉使詣京都太祖引見之酬對稱旨除寧遠將軍太宗即位四方反叛征討有功拜散騎常侍中領軍太宗崩命為尚書右僕射輔太子加兵五百人後桂陽王休範為亂奄王京邑加劭領軍置佐鎮石頭與賊戰朱崔航南擊賊臨陣死贈司空子悛嗣

蕭惠開南蘭陵人也惠開之子初名關後改為惠開少
有風義涉獵文史家雖貧而居服簡素初為祕書郎累遷黃門侍郎丁父艱居喪有五年家素事佛凡為父造四寺南崗下名曰禪崗寺於曲阿舊鄉宅名曰禪鄉寺於京口墓亭名曰禪亭寺於所封邑封陽縣名曰禪封寺尋除襲封侯妹適桂陽王休範女又適世祖子發乃為豫章內史入為御史中丞益寧二州刺史惠開素有大意至蜀廣樹恩德太宗即位進號征西將軍以晉安王子勳逆事故明帝遣宗人寶首水路慰勞六年除少府不得志寺內所住齋前種萱草甚美惠開悉剗除別種白楊年四十九卒子溝嗣

鄒瑛字敬珉陳郡長平人父道鸞為右軍長史瑛少為
太祖所知初為江夏王征北參軍累遷豫州刺史時
晉安王子勛叛以瑛為司馬不與同逆而土人前將
軍杜叔寶又逼之瑛不得已而同之及劉劭破諸逆
而上使王道隆劾瑛有瑛罪及與瑛書化令歸順云
足下明識淵見想必不俟終日瑛卒無反心事由力
屈時杜叔寶亦有降意又進攻瑛瑛長子瑒并用苜蓿
苞土本以塞壘城上以火箭射之瑒及後士續至
壘欲滿城內以鐵珠投之瑒走瑒入壘於是火燃
草盡及尋陽遂降諸將面縛瑒瑒上無有之無所
誅戮後除少府卒初在晉陽時百姓懷其德

年一書

薛安都河東汾陰人也世為晉陽族姓有二千家父
廣為宗豪宋高祖定關河以為第一重太守安都少以
勇聞身長七尺八寸便弓馬善騎射二州都督虜主
拓跋壽擊芮芮敗走安都走壽虜主引兵入關國太祖延
見之求其^{合上}肩河東民格桑義舉一許之為建武將軍
弘農太守所向剋捷而在抑元景傳及世祖下平元
兗除右將軍率所部騎前鋒直入殿庭賊數百人一
見奔散以功封南鄉男初征關陝至曰口夢仰頭視
天正見天門開謂左右曰天門開乃甲興之象及魯
爽叛上遣安都率步騎據歷陽追爽至小峴刺爽斬
之爽世號驍勇生習戰陣咸言萬人敵安都單騎直

入斬之而返時人去關羽斬顏良不之過也進爵為侯以景和初為平北將軍徐州刺史太宗即位安都將舉兵同晉安王子勛為逆太宗使沈攸之張永以重兵迎之安都慮不免罪遂降魏虜魏虜遣將救之永等退虜授安都徐州刺史封河東公詔還桑乾後數年死在虜中時年六十

沈文秀字仲遠吳興武康人司空慶之之弟子父劭文秀以慶之貴後累遷青州刺史時前廢帝狂悖內外憂危文秀將之鎮部曲出屯白下乃說慶之因此衆力圖之慶之不從後廢帝果殺慶之又遣直閣江方興領兵誅文秀兵未至太宗已定亂時晉安王子勛

書 卷 之 四

書

卷

反朝廷徵兵於文秀文秀遣劉彌之三軍赴朝廷時薛安都已同子勛反遣使要文秀文秀即令彌之迴應安都彌之尋歸順則北海平原清河等並起義兵推文秀為主進軍尋陽平定太宗遣尚書崔元孫慰勞諸義兵遣文秀弟文炳持詔赦文秀罪後破虜軍太宗進號右將軍封新城侯魏圍青州久之太宗遣兵並不敢進乃為虜所陷文秀被圍三載外無援士卒為之用命無敢叛者日夜戰鬥甲冑生蟣虱五年正月為虜陷敗之日解釋戎服夜緩服命左右取所持節虜既入城兵刃交至問曰青州刺史沈文秀虜聲曰身在因囚執之出剝衣服將見白曜於城西南

角樓偏溥令拜之文秀曰各爲二國大臣無相拜禮
曜命還衣服設酒食送桑乾十九年齊元明四年病
死年六十一

袁粲字景倩陳郡楊夏人也太尉淑兄子父濯揚州
秀才早卒祖哀其幼居名曰愍孫時伯叔並當世榮
顯而愍孫飢寒不足母瑯琊王氏太尉長史誕之女
躬事紡績以供朝夕愍孫少好學有清才早以立操
見知初爲揚州從事及世祖即位累遷侍中吏部尚
書粲嘗爲海陵太守在郡夢日墮其背上自驚覺尋
被徵管機密粲少有風操嘗著妙德先生傳以續嵇
康高士傳其文略曰有妙德先生陳國人也嘗謂人

曰昔有一國國中有一水號曰狂泉國人飲此水無
不狂惟國君穿井而汲獨得無恙國人既並狂反謂
國主之不狂爲狂於是聚謀共執國主齋其狂疾火
艾針藥莫不畢具國主不任其苦於是到泉所酌水
飲之飲畢便狂君臣大小其狂若一衆乃歡然我既
不狂難以獨立比亦欲試飲此水矣世祖時求改名
粲不許明帝時改爲粲字景倩焉後遷領軍將軍仗
士三十人入六門轉尚書僕射領吏部復加中書令
上於華林園茅堂講周易粲爲執經又知東宮事七
年遷尚書令太宗崩與褚淵等受遺顧命加班劔給
鼓吹後廢帝即位丁母憂葬畢攝令親職加衛軍將

軍不受中使相望終不辱人性至孝居喪毀甚及桂陽王休範為逆粲扶曳入殿詔加兵自衛置左史及賊至掖門粲曰孤子受先帝顧託本以死報今日當與褚護軍同死社稷因命左右被馬辭色尤壯陳顯達等感激出戰賊平後授中書監即號開府領司徒以揚州廩為府固不肯移終服乃受命時粲與蕭道成褚淵劉道濩日入直平夜萬機時謂之四貴粲開默寡言不肯當事主書每往諮決或高詠對之時立一意則眾莫能改好飲酒吟賦獨酌庭中以此自適順帝即位遷中書監司徒侍中如故時齊王居東府使粲鎮石頭望氣者曰石頭氣甚凶往必有禍粲不答又給油絡通憶事位六十五人時齊王功高德重天命有歸粲自以身受顧命不致事二姓密有異圖遂與丹陽尹劉秉王蘊結及諸將帥黃回等遂以昇明元年與荊州刺史沈攸之舉兵反剋日矯太后令使蘊伯興等率宿衛兵攻齊王於朝堂回等皆外來應未及夜而劉秉等皆死女屠卷就粲事泄王蘊聞劉秉已奔曰今年事敗身死為齊王所破收蘊伯興斬之使軍王戴僧靜與薛淵等攻圍粲子最獨衛粲為僧靜等斬之父子俱死年五十八齊永明初詔改葬粲等初宋太宗時粲與蕭惠開周卽同車行逢大航開馬惠開自照鏡曰無年可仕卽執鏡曰視死如歸

蔡最後曰當至三公而不終果各如其言

何子平廬江瀟人也以元兗平後為海虞令縣祿唯供養母一身不以及妻子人或疑其儉薄子平曰祿本在養親不在為己問者慙退母亡以喪亂之年未及葬常悲慟不絕所居屋敗不蔽風雨兄子伯與將伐茅草為葺之平不肯曰我情事未申天地一罪人耳屋何宜覆昇平初乃卒

王鎮之字伯重瑯琊臨沂人也曾祖廙父隨之鎮之初為剡上虞今累有清績遷廣州刺史高祖謂曰鎮之少著清績必將繼美吳隱嶺南之弊非此人不康後至祠部尚書

阮長之字茂景陳留許氏人也祖思曠金紫光祿大夫父普之長之初為海虞令府參軍遷臨海太守母亡不勝憂時郡縣田祿必為之斷此則去官者則一年秩祿皆入後人此後去官有則一年秩祿皆入前人始以元嘉末改此制計日分祿長之嘗為武昌太守去郡代人未至以世職一日解印綬去發京師親故或以器物贈別得便錢數萬歸悉還元嘉十一年卒

江秉之字玄叔濟陽考城人也祖迥晉太帝父纂給事中秉之少孤宋受禪以山陰令累拜臨海太守初山陰為劇縣人戶三萬政事繁擾秉之御繁以簡常得無事乃至臨海卒所得秩悉散之親故妻子等常

不免飢寒有勸營田者秉之正色答曰食祿之家豈可與農人競利在郡作書案一枚及去官留付郡庫陸徽字休猷吳郡人也辟令主簿累遷平越中郎將廣州刺史薦士於朝廷曰臣聞霜凌茂穎貞柯必振風漾長波清流欺挹是以素盞揮譽於西京韓延播德於東夏伏見廣州別駕從事朱万嗣字少豫年五十治業冲夷秉操堅白行稱私庭能著官政民非世祿官無通資後丁母憂卒

戴顓字仲若譙郡銍人也父達兄勃並隱遁有高名顓年十六遭父憂幾於毀滅以父不仕復脩其業父善琴書顓竝傳之會稽剡縣多名山故世居剡下顓

晉書卷之四十九

二十九

附錄

及兄勃竝受琴於父父沒所傳之聲不忍復奏與兄勃各造新弄勃制五部顓制十五部又自制長弄一部並傳於世後遊桐廬又多名山兄弟因居焉勃病桐廬僻遠難以養疾乃出居吳下吳下居人共為築室乃述莊周大旨著逍遙論注禮記中庸篇三吳將守要同遊野澤堪行便去不為矯介高祖命為太尉參軍後累徵不起元嘉初又徵為常侍不起後衡陽王義季鎮京口長史孫劭迎顓于黃鵠山之竹林精舍林澗甚美顓因憇于此澗常為義季彈琴其三調遊絃廣陵止息皆新聲與世異太祖每欲見之嘗謂黃門侍郎張敷曰吾東巡之日當宴於戴公山下也

自漢世始有佛像形制未工顯特善其事宋世于鑄
丈六銅像於瓦官寺既成時議面恨瘦工人不能改
顯曰非面瘦臂胛肥耳及減臂胛患即除無不歎服
元嘉十八年卒年六十四

周續之字道祖雁門廣武人也年十二從豫章太守
范甯受業居學數年通五經五緯號曰十經名冠當
時同門稱爲顏子閑居讀易老入廬山事沙門惠遠
時彭城劉遺民遁廬山陶淵明亦居彭澤山時謂之
尋陽三隱續之終身不娶好遊名山注嵇康高士傳
高祖即位乃召之上爲開館東郭外招集生徒乘輿
臨幸後疾居鍾山卒通詩六義及禮論注公羊傳皆

行於世

王弘之字方平宣訓衛尉鎮之弟也少孤從叔獻之
重焉晉隆安中爲司徒主簿性好山水病歸時殷仲
文還姑孰相譙要弘之送別弘之曰九祖離送別必
在有情下官與躬風馬不接無緣扈從譙貴其言家
在會稽上虞從兄敬弘爲右僕射嘗解貂裘乞弘之
弘之即着以採藥性好釣上虞江有一處名三石頭
弘之嘗垂輪於此經過者不識之或問漁師得魚賣
不弘之曰亦自不得得亦不賣日夕載魚入上虞郭
經觀故門各留一兩頭置門內而去始寧沃川有佳
山水弘之又依巖築室謝靈運頽延之並相欽重焉

元嘉四年卒子曇生

劉凝之字志安小名長年南郡枝江人父期公衡陽太守兄盛公高尚不仕凝之少慕老萊嚴子陵爲人立屋野外非力不食妻梁氏不慕榮華夫妻共乘薄笨車入市買易周用之外輒以施人數銜不起爲村里所誣一年三輸公調求輒與之時荊州飢衡陽王義季遺錢十萬凝之得大喜將錢至市門觀有飢色者悉分與之好山水一旦泛江湖隱於衡山高嶺絕人事以元嘉二十五年卒

戴法興會稽山陰人也家貧父碩子以販紵爲業法興與二兄延壽延興並脩慕學延壽善書法興好學山陰有陳戴者家富有錢三千萬鄉人盛云戴碩子三男敵陳戴三千萬錢法興少賣葛於山陰市後爲世祖征虜記室使典籤世祖即位累遷至南臺御史同中書舍人轉給事中太子旅賁中郎將專管內權重當時家累千金廢帝即位遷騎校尉時巢穴爲始興王濬侍讀轉至中書與法興執權威行內外帝未親萬機凡詔勅悉決法興手尚書中事無文專斷之顏師伯江夏王義恭皆空名而已後爲闡人華嚴兒鬼謀言於上去百姓以法興爲真天子帝怒免官還田里賜死巢尚之出爲新安太守卒

阮佃夫會稽諸暨人也元嘉中出身爲臺小吏太宗

初出閣選為主衣景和末太宗被拘於殿內位在祕書省爲帝所疑大禍將至其夜佃夫與王道隆李道兒等謀共廢立時景和元年帝出華林堂後園射佃夫與內官侍衛連謀殺帝於華林園堂中建安王休範山陽王祐時隨帝在堂覺奔景陽山太宗即位論功封佃夫建成侯佃夫與王道隆楊運長等並執權亞人主方於巢戴蕞如也宅舍園池諸王莫比奢侈羅錦女妓冠絕每製一衣一物京邑莫不法効焉於宅間瀆東出十許里塘岸齊整每奏女樂泛輕舟若有賓客十數時至於珍羞必備佃夫僕從附隸皆受不次之位而提車人虎賁中郎將傍馬者負外郎太宗崩廢帝即位佃夫權任轉重元徽初遷黃門侍郎尋拜冠軍將軍南豫州刺史仍管內任時廢帝猖狂逸走無度內外惶懼佃夫密與直閣將軍申伯宗步兵校尉朱幼干天寶等謀因帝出江乘射雉執廢之而立安成王會帝不成向江乘其事不行干天寶以其謀告帝乃收佃夫伯宗幼等賜死

晉義熙十三年嵩山獲玉璧三十二沙門法稱曰璧劉氏卜世之數也本志曰三十年一世三十二者二也世宋有天下實六十初零陵作官不得終爲黔首而宋氏八帝遺命者五主存命者三君往復報施如斯之疾也謂天蓋高何其察也宋高祖武皇帝以蓋

此雄才起匹夫而并六合剋國得雋竒略多於魏武
施功天下盛德厚於晉宣懷荒伐叛之勞夷邊蕩險
之力百戰百勝有可得而論者矣拔足行間却孫恩
蟻聚之衆一朝奮臂掃相立盤石之宗萬軌長驅則
三齊無堅壘迴戈五兵內起則丘嶺靡餘妖殘孽命
孫秀高於巨海之上而番禺席卷擢朱齡石於百夫
之下而庸蜀來王羗胡畏威文為表裏董率虎旅以
俟中原石門鉅野之隘指麾開闢鵠頭灞上之阻曾
莫藩籬虜其酋豪遷其重寶登未央而灑酒過長陵
而下拜盛矣哉悠悠百年未之有也於是倒載干戈
休兵四水彤弓納陛肇有宋都然後請號上帝步躡

前王零陵去之而無猜心高祖受之而無愧色古之
所謂義取天下者斯之謂焉其提挈創業則魏孟何
劉輔相揔持則穆之徐羨鎮惡道濟經其武傅亮謝
晦緯其文長沙以家第共艱難烈武以清貧定南楚
其他胥附奔走雲霧集若榱椽之御今上大厦衆星之
仰河漢或取之於民譽或得之於未名群材必呈智
能咸効爵不妄加官不私謁晉末以荒淫混亂阿黨
容縱莫不掃蕩革易與之更始君行卑而威不為奢
民勤戾而下無怨讟品令宥密賞罰端平遠無不懷
通無不附屬為郡縣者則南過交趾西苞劔閣北劃
六戶而境東海七分天下而復其四永初末歲天子

負羸矜懷以燕代戎幄岐梁重梗將誓六師屠桑乾
而境北狄三事大夫顧相謂曰待夫振旅凱入乘轅
南返請具銀繩瓊檢昭告東嶽既而洸頽不興即年
厭世榮陽狎子不訓以敗皇輿太祖寬肅宣惠大成
先志表越二昆來膺寶命沉明內斷不欲由甯氏堯
權逼使芒刺在躬親臨朝政率遵恭法斟酌先王之
典弘宣當世之宜民樂其生鮮陷刑辟仁厚之化既
以播流率土欣欣無思不悅每車駕巡幸箏鼓所聞
百姓皆扶老携幼想望儀形愛之樂之孜孜如不足
爾初徐傅伏誅繼求內相王弘處之而思降彭城欲
之而不違王華勣景仁以中熙帝載謝弘徽王曇首
以沉密贊極機徐湛之江湛王僧綽以體國彰義正
謝方明劉道產以德愛稱良能高間則王全明清貴
則方續文章則顏延之謝靈運有命世之巨才儒雅
則裴荀何傳為師表之高學則徐亮骨鯁則袁粲粲
子廣建言忠益則范泰何尚之其宗室藩翰帝弟帝
子江夏衡陽南平廬陵隋王建平臨川新渝或倩令
夷宵或文敏沾洽皆博愛以禮率土明美流譽三四
十年為多士矣上亦蘊藉義文思弘儒術庠序建於
國都四學分於家巷天子乃移蹕下輦以從之東臯
宴語以觀之莫不敦閱詩書沐浴禮義淑慎規矩斐
然回風其行脩言道者然後登朝受職威儀輕佻者

不齒於鄉閭公宮非儼羽不來庭私家非軒蓋不逾國冠冕以之雍容如也於是文教旣興武功亦慕令將受律指日如期檀蕭薄伐則南澄象酒劉裴爰整則四踐仇池良駒巨象充塞外厩奇琛寶貨下建百寮禽獸草木之瑞月有六七繩山航海之譯歲且十餘江東已來有國有家豐功茂德未有如斯盛者也然值北方彊周韓歲擾金墉虎牢代有得失二十七年偏師剋復河南橫挑疆胡百萬之衆匈奴遂跨彭澤航淮浦設穹廬於瓜步請公主以和親于時精兵猛將嬰城而不敢闢謀且智士折撓而無所稱天子三朝燕饗單于臨江高會於是起盡室之財軸艦千里緣江而陣我守旣嚴胡兵亦急且知大川所以限南北也疲老而歸退我追奔之師橐弓裹足係虜之民流離道路江淮已北蕭然矣重以含章巫蠱始自三逆殿殺酷帝史之于聞仲尼以爲非一朝一夕之故其所由來者漸矣由辯之不早辯也世祖率先九牧大雪冤耻身當歷數正位震居聰明徇達博文疆識威可以整法智足以勝姦人君之略幾殆備矣時之風流領袖則謝莊何偃王元長蔡興宗袁顛袁粲無悔將則沈慶之柳元景宗愨朱循之或清華以秀粹或競果以生類固以軌道廊廟之中方駕向時之

焉帝即位二三年間方逞其欲言拒諫違天下夫望
而有世祖 才明少以禮度自肅思武皇之節儉追
太祖之寬恕則漢之文景曾何足論景和申之以謠
虐太宗易之以昏縱師旅荐興邊鄙感迫人懷苟且
朝無紀綱內寵方議其安外物已覩其敗矣世祖登
遐既委重於二戴太宗晏駕亦託孤於王阮溝近之
道歸沖人之豐如一然宋祚未絕於永光重以宗之
見窘水德遂亡實由彊臣之受辱且顧命群公從容
自若懦伊霍之機倚靡唐虞之際於是蔚炳骨變命
就遷俯仰之間興衰易觀之矣周自平王東遷崎嶇
河洛其後二十四世而赧始亡之漢自章和既降顛
覆闡豎其後百有餘載而獻始禪之何則周漢靈長
如彼難拔近代脆從若此易崩非徒天時有人事矣
聞鴻荒者難為慮因成事者易為力曹馬規模懸乎
前載苟有斯會實啓英雄而况太宗為之驅除先顛
其本根既蹙枝葉自摧斯則始於人事者昔二代將亡
殷辛夏癸相去數百年間異代而復出宋自景和元
徽首尾不能十載而除過於兩君斯則天之所棄於
前三也天意人事其微如是雖欲勿喪其可得乎若
乃極厥塗炭馭逆取欲者湯武之功也鋤當路飾揖
譟之名者近代之事也豈應天從民道有優劣故宗
廟社稷修短有數乎不然何則殊途緬邈如斯之遠

也夫山嶽崩頽必有朽壤之隙春秋迭代必有去故
之悲是以臨危亡而撫運不有不扼腕留連者也古
之弊化薄俗行乎宋氏宋氏成敗得失驗乎行事設
而言之載于篇藉矣繫叙其所創業垂統而懷其舊
俗遺風餘烈將不啻然建乎賢人君子英聲餘論以
附于茲子野祖宋中大夫西鄉侯以文帝十三受詔
撰起居注十六年重被詔續成何承天宋書其年終
于位書則未遑述作齊興後十餘年定之新史既行
於世子野生乎太始之季長於永明之間家有舊書
聞見交接是以不量然因宗之新史以為宋略二
十卷篇前剪裁繁文刪削其要即其簡宣志以為名器
夫黜惡彰善臧否與否則質以先達格言不有私也
豈以勤成一家貽之好事蓋司典之後而不敢忘焉
裴子野曰余齊末無事聊撰此書近史易行頗見傳
寫比更尋讀繁穢猶多微重刊削尚未為詳定

建康實錄卷第十四



